

թեան գլխաւոր առաջադրութիւններն ու նշանարաններն էին .

ա) Գեմակրատական հաշտութեամբ վերջ տալ պատերազմին :

բ) Ո՛չ մէկ յարաբերութիւն բուրժուական կառավարութիւնների հետ :

գ) Ո՛չ մի գաղտնի դիւաւագիտութիւն :

դ) Ո՛չ մի կոպէկ հիմն ռեժիմից մնացած արտաքին պարտքերը վճարելու համար :

ե) Ամէն ինչ համաշխարհային ընկերային յեղափոխութեան համար :

Հետեւե՛նք այս առաջադրութիւններից իւրաքանչիւրի ճակատագրին քայլ առ քայլ՝ զանց առնելով մանրամասնութիւնները :

* * *

Պատերազմի եւ խաղաղութեան խնդրում բոլշևիկները ղեկավարուած էին Փետրուարեան Յեղափոխութեան կարգախօսով, այսինքն պահանջում էին «հաշտութիւն առանց հողային բռնադրաման, առանց պատերազմական տուգանքի եւ համաձայն ազգերի ինքնորոշման իրաւունքի»: Միակ տարբերութիւնն այն էր, որ նրանք պնդում էին, թէ այսպիսի մի հաշտութիւն միայն իրենք կարող են գլուխ բերել: Եւ, հազիւ իշխանութեան գլուխն անցած, նրանք բանակցութիւնների մէջ մտան թշնամիների հետ՝ վերոյիշեալ հիմունքներով հաշտութիւն կնքելու համար:

Սակայն, բաւական էր, որ Լուզենտորֆը մատը թափ տար ձեր այս հերոսների վրայ, որպէսզի նրանք լեղապատառ դէն շարժելն բոլոր կարգախօսները եւ ոչ միայն թոյլ տային, որ թշնամիները բռնադրուեն Մինսկն ու Դվինսկը, Կարսն ու Արտահանը, այլ եւ նրանց մատուցանէին Ռուսաստանի ոսկու պահեստի մի խոշոր մասը, իրրեւ պատերազմական տուգանք:

Սրանից յետոյ էլ, երբ Դաշնակիցները, պարտութեան մատնելով Գերմանիային եւ իր զինակիցներին, սրբեցին այս Բրեստ-Լիտովսկեան ամօթանքը Ռուսաստանի ճակատից՝ բոլշևիկները «պատուաւոր հաշտարարութեան» նոր ապացոյցներ տուին Ռիգայում՝ ուր նրանք համաձայնութիւն ստորագրեցին լեհական շլեսիտայի (ազնուականութեան) զարչապարների տակ նետելու ուկրայնական

եւ բելօռուսական նահանգներից մի քանիսը եւ Մոսկուայում՝ ուր նրանք հաշտութիւն կնքեցին Թիւրքիայի հետ՝ նրա եաթաղանին յանձնելով ոչ միայն ամբողջ Տաճկահայաստանը, այլ եւ ռուսահայկական Կարսը, Արտահանը եւ Սուրմալուն:

Այսպիսով՝ «առանց հողային բռնադրաման եւ առանց պատերազմական տուգանքի հաշտութիւն» նշանաբանը բոլշևիկեան կիրառումով դարձաւ հաշտութիւն հողային զիջումներ անելու եւ պատերազմական տուգանք վճարելու գնով:

Իսկ ուր մնաց ազգերի ինքնորոշման իրաւունքը: Այս մասին նրանք չհամարձակուեցին իսկ ձայն հանել հաշտութեան բանակցութիւնների ժամանակ. հանգիստ սրտով նրանք թըրշնամու լծի տակ դրին դիջած հողամասերի վերայ գտնուող ժողովուրդներին — այս բաւական չէ, այլ եւ իրենք, յարմար պարագային, ոտնատակ տուին ինքնորոշուած ազգրէջանցիների, հայերի եւ վրացիների ազգային իրաւունքը՝ նրանց երկիրները բռնադրուելով եւ Ռուսաստանին կցելով: Եւ եթէ, այնուամենայնիւ, Ռուսաստանի նախկին հպատակ ազգերից մի քանիսն ազատագրուեցին, եթէ Լեհաստանը, Ֆինլանտիան, Լատուիան, էստոնիան եւ Լիտվանիան տիրացան իրենց ազգ. ինքնորոշման իրաւունքին՝ այդ էլ եղաւ ոչ թէ համաձայն բոլշևիկների բարեացակամութեան, այլ հակառակ նրանց նուաճողական ձգտումների: Վերոյիշեալ երկիրները, առանց բացառութեան, զէնքի ուժով ուսս բոլշևիկներին վտարելով են ձեռք բերել իրենց ազգային իրաւունքը:

Այս բոլորով հանդերձ չպէտք է կարծել, թէ բոլշևիկները իսպառ հրաժարուել են մանր ժողովուրդների ինքնորոշման իրաւունքի ըսկըզրուեցից: Ո՛չ, նրանք ղեռ շարունակում են ջատագով մնալ այդ իրաւունքի. պայմանով սակայն, որ սրա պահանջը ուրիշներին առաջադրուի, ե՛ւ առաջադրուի այն գէպքում, երբ դա համապատասխան է բոլշևիկների շահերին: Այսպէս, օրինակ, երբ Արդէլ Կրիմը Մարոկկոյում կամ սուլթան Արտաշը Սիւրիայում ազգային ինքնորոշման պահանջ են ներկայացնում Ֆրանսային՝ բոլշևիկները ճշա-